



Բարօրության և  
ինքնապահովման  
հիմնական  
սկզբունքները



ՀԱՍՏԻՍ ԲՐԻՍՏՈՍԻ ՎԵՐՋԻՆ ՕՍԵՐԻ ՍՐԲԵՐԻ ԵՎԵՂԵՑԻ



---

Կազմի նկարը. «Բարի Մամարացու իջևանատուն գալը», հեղինակ՝ Պոլ Գուստավ Դոր:

Հրատարակության հեղինակ  
Հիսուս Քրիստոսի Վերջին Օրերի Սրբերի Եկեղեցի  
Սոլթ Լեյք Սիթի, Յուտա

© 2008 by Intellectual Reserve, Inc.

Բոլոր իրավունքները պաշտպանված են:  
Տպագրված է Ամերիկայի Միացյալ Նահանգներում

Անգլերենի հաստատումը. 12/08:

Թարգմանության հաստատումը. 12/08:

«Basic Principles of Welfare and Self-Reliance»-ի թարգմանությունը  
Armenian.  
08288 201

## Երեց Ռոբերտ Դ. Հեյլզ՝

Տասներկու Առաքյալների քվորումից

# Բարօրության տեսլականն ըստ ավետարանի. հավատքը գործի մեջ



Իմ եղբայրներ և քույրեր. ես երախտապարտ եմ հնարավորության համար, որ կարող եմ խոսել ձեզ հետ քահանայության բարօրություն սկզբունքների ավետարանի տեսլականի մասին Հիսուս Քրիստոսի վերականգնված Եկեղեցում:

Տնտեսական ամպերը, որոնք երկար

ժամանակ վախեցնում են աշխարհին, այժմ ամբողջությամբ մեր վրա են: Այս փոթորկի ազդեցությունը ավելի քան երբևէ ավետարանի տեսլական է պահանջում մեր Երկնային Հոր զավակներից: Քահանայապետության սկզբունքները վերաբերում են թե՛ նյութականին, թե՛ հոգևորին: Բացի այդ դրանք հավերժական բնույթ ունեն և կիրառելի են բոլոր իրավիճակներում: Հարուստ ենք, թե աղքատ՝ դրանք վերաբերում են մեզ:

Ամեն անգամ, երբ մենք կիրառում ենք բարօրության սկզբունքները, մենք ապրում ենք «մաքուր կրոնաստիքությամբ», ինչպես որ սահմանված է սուրբ գրություններում (Հակոբոս Ա.27): Փրկիչն ուսուցանել է. «Որովհետև այս իմ փոքր եղբայրներից մեկին արեցիք, ինձ արեցիք» (Մատթեոս ԻԵ.40): Նա նաև ուսուցանել է, որ մենք ոչ միայն պիտի ջանանք «որբերին ու այրիներին այցելել նրանց նեղության մեջ», այլ նաև մեր «անձն աշխարհից անարատ պահել» (Հակոբոս Ա.27): Այլ կերպ ասած, մենք ոչ միայն գործում ենք բարիք. մենք ձգտում ենք *դառնալ* բարին:

Հետևաբար, ըստ ավետարանի՝ սա է բարօրության տեսլականը՝ գործի դնել Հիսուս Քրիստոսի հանդեպ մեր հավատքը: Հոգու առաջնորդությամբ մենք ծառայում ենք ուրիշներին Ապրելով ավետարանի բարօրության սկզբունքներով, մենք կիրառում ենք Փրկչի ուսմունքներն այստեղ՝ մահկանացու կյանքում:

Ուրեմն, որո՞նք ենք բարօրության այդ սկզբունքները: Ինչպե՞ս կարող ենք դրանք օգտագործել որպես հոգևոր և նյութական կառույցի քարեր մեր ամենօրյա կյանքում:

## Հեռատես ապրելակերպ և ինքնաապահովում

Կառույցի առաջին քարը կարելի է նկարագրել որպես հեռատես ապրելակերպ: Մա նշանակում է ուրախ ապրել մեր միջոցների սահմաններում և նախապատրաստվել կյանքի վերելքներին ու վայրեցքներին, որ կարողանանք պատրաստ լինել արտակարգ իրավիճակների անձրևոտ օրերին:

Հեռատես ապրելակերպը նշանակում է չցանկանալ այս աշխարհի բաները: Դա նշանակում է աշխարհիկ միջոցները իմաստուն օգտագործել և վատնող չլինել, նույնիսկ լիության ժամանակ: Հեռատես ապրելակերպը նշանակում է խուսափել չափից ավելի պարտքերից և գոհ լինել մեր ունեցածով:

Մենք ապրում ենք իրավունքների դարաշրջանում: Շատերը մտածում են, որ պետք է ունենան այն, ինչ ուրիշներն ունեն՝ հենց հիմա: Չկարողանալով հետաձգել հաճույքը՝ նրանք պարտքի տակ են ընկնում, որպեսզի գնեն այն, ինչն իրենց ուժերից վեր է: Արդյունքը միշտ ազդում է նրանց և՛ նյութական, և՛ հոգևոր բարօրության վրա:

Երբ մենք պարտքի տակ ենք մտնում, մենք հանձնում ենք մեր արժեքավոր ու անգին կամքի ազատությունը և հայտնվում ենք մեր իսկ ստեղծած գերության տակ: Մենք պարտադրվում ենք տրամադրել մեր ժամանակը, եռանդը և միջոցները, այսինքն՝ այն պաշարները, որոնք կարող էինք օգտագործել մեզ, մեր ընտանիքներին և ուրիշներին օգնելու համար, որպեսզի ես վճարենք պարտքով վերցրածը:

Երբ պարտքի պատճառով մեր ազատությունը սահամափակվում է, ավելացող անհոսությունը հյուծում է մեր ֆիզիկականը, ճնշում է մեր հոգեկանը և ծանրացնում մեր հոգևորը: Դա ազդում է մեր մասին մեր կարծիքի վրա, ինչպես մեր հարաբերությունների վրա կողակցի ու երեխաների հետ, մեր ընկերների ու հարևանների հետ, և վերջին հաշվով, Տիրոջ հետ:

Այժմ մեր պարտքերը վճարելը և հետագա պարտքերից խուսափելը մեզանից պահանջում է գործի դնել մեր հավատքը Քրիչի հանդեպ՝ ոչ միայն ավելի լավ գործելու, այլ նաև ավելի լավը դառնալու: Մեծ հավատք է պահանջվում, որպեսզի արտասանենք այս հասարակ խոսքերը. «Մենք հնարավորություն չունենք գնելու այն»: Հավատք է պահանջվում, որ վստահ լինենք, որ կյանքը ավելի լավ կլինի, եթե մենք զոհաբերենք մեր ցանկությունները՝ հանուն մեր և ուրիշների կարիքների ապահովման:

Ես վկայում եմ, որ երջանիկ է այն մարդը, որն ապրում է իր միջոցների սահմաններում և կարողանում է փոքր ինչ տնտեսել հետագա կարիքների համար: Ապրելով հեռատես կյանքով և զարգացնելով մեր պարզները և շնորհները, մենք դառնում ենք ավելի ինքնաապահով: Ինքնաապահովությունը պատասխանատվություն վերցնելն է՝ հոգալու մեր հոգևոր և նյութական բարօրության մասին, ինչպես Երկնային Հոր կողմից մեզ վստահված մարդկանց մասին: Միայն երբ մենք ինքնաապահով ենք, մենք կարող ենք իսկապես նմանվել Փրկչին ուրիշներին ծառայելիս և օրհնելիս:

Կարևոր է հասկանանք, որ ինքնաապահովումը միջոց է նպատակի համար: Մեր վերջնանպատակը Փրկչի նման դառնալն է, և այդ նպատակը բարելավվում է ուրիշների մեր անձնուրաց ծառայությամբ: Ինքնաապահովության մեր մակարդակից կախված ծառայելու մեր կարողությունը ավելանում է կամ պակասում:

Ինչպես մի առիթով ասել է Նախագահ Մերիոն Գ. Ռոմնին. «Սովածին ուտելիք տալ չես կարող տալ դատարկ դարակներից: Կարիքավորին գումար չես կարող տալ դատարկ դրամապանակից: Աջակցությունն և ըմբռնումը չի կարող գալ հոգևորապես քաղցածից: Ուսուցումը չի կարող գալ անուսումից: Եվ բոլորից կարևորը՝ հոգևոր առաջնորդությունը չի կարող գալ հոգով թուլից» (in Conference Report, Oct. 1982, 135; կամ *Ensign*, նոյ. 1982, 93):

### **Տասանորդ և նվիրատվություն վճարելը**

Ուրեմն, ինչպե՞ս ենք մենք ստանում Երկնային Հոր օգնությունը, որպեսզի ունենանք բավական մեր կարիքների համար և բավական՝ ուրիշներին ծառայելու համար: Բարօրության հիմնարար սկզբունքներից մեկը տասանորդի և նվիրատվությունների վճարումն է:

Տասանորդի առաջնային նպատակը մեր հավատքը զարգացնելն է: Պահելով «տարեկան [մեր եկամուտի] մեկ տասներորդը» վճարելու պատվիրանը (ՎևՈւ

119.4), մենք դառնում ենք ավելի լավը՝ մեր հավատքն աճում և աջակցում է մեզ կյանքի փորձությունների, ձախորդությունների և վշտի ժամանակ:

Տասանորդ վճարելով մենք սովորում ենք նաև կառավարել մեր ցանկություններն ու ախորժակներն այս աշխարհի բաների համար, ազնիվ լինել մեր մերձավորի հետ և զոհաբերություններ անել ուրիշների համար:

Երբ մեր հավատքն աճում է, աճում է նաև ծովի նվիրատվություններ վճարելու մեր ցանկությունը: Այդ նվիրատվությունն առնավազն երկու ճաշի արժեքն է, որից մենք հրաժարվում ենք ծով պահելիս: Ծովի նվիրատվությունները մեզ տրված միջոցներն անսնունդ նվիրելն է՝ օրհնելու մեր եղբայրներին և քույրերին հոգևոր և նյութական կարիքներում՝ առանց երկրային շահի կամ օգուտի ակնկալիքների նվիրելը: Ազատ նվիրելը մեզ թույլ է տալիս հետևել Փրկչի օրինակին, որն իր կյանքն ազատ նվիրեց ողջ մարդկությանը: Նա ասել է. «Բոլոր բաներում հիշեք աղքատներին ու կարիքավորներին, հիվանդներին ու տառապյալներին, քանզի ով որ չի անում այս բաները, նա իմ աշակերտը չէ» (ՎևՈւ 52:40):

Որպես Քրիստոսի ճշմարիտ հետևորդներ՝ մենք նույնպես տալիս ենք՝ ինչպես բարի Մամարացին, որը քաջաբար փրկեց ճամփի եզրի իր անծանոթ եղբորը (տես Դուկաս Ժ.25–37): Ասել է Ջոզեֆ Սմիթը. «Աստծո սիրով լցված մարդը չի ձգտում օրհնել միայն իր ընտանիքը, այլ տարածում է այն ողջ աշխարհի վրա՝ ցանկանալով օրհնել ողջ մարդկային ցեղը (History of the Church, 4:227):

### **Ապագային նախապատրաստվելը**

Ինչպես խորհուրդ են տվել վերջին օրերի մարգարեները, բարօրության ավենակարևոր քարերից մեկը ապագային նախապատրաստվելն է:

### **Բյուջե կազմելը**

Ապագային նախապատրաստվելը ներառում է մեր եկամուտից ծախսերի և խնայողությունների ծրագիր կազմելը: Զգուշորեն ընտանեկան կամ անձնական բյուջե կազմելը կարող է օգնել մեզ տարբերել մեր պահանջներն ու կարիքները և կառավարել դրանք: Ընտանեկան խորհրդում բյուջեն քննարկելը մեր երեխաներին հնարավորություն կտա ծախսումներ կատարելու սովորություն ձեռք բերել ու կիրառել, ինչպես մասնակցել ապագայի ծրագրավորմանը և խնայելուն:

## Կրթություն

Ապագային նախապատրաստվելը ներառում է նաև կրթություն կամ մասնագիտություն ձեռք բերելը և եկամտաբեր աշխատանք գտնելը: Եթե ներկայումս աշխատում եք, արեք ամեն բան ձեր ուժերում, որպեսզի գնահատված և էական մասը դառնաք այն կազմակերպության, որտեղ աշխատում եք: Զանազան աշխատեք և եղեք «մշակ, [որն] իր վարձքին արժանի է» (Ղուկաս Ժ.7, տես նաև ՎեՌ 31.5, 70.12, 84.79, 106.3):

Երբ կազմակերպությունները շարունակում են փոքրանալ կամ փակվել, նույնիսկ կատարյալ աշխատողները կարող է նոր աշխատանք գտնելու կարիք ունենան: Սա Տիրոջն ապավինելու՝ աճելու և ամրանալու հնարավորություն է: Եթե դուք նոր աշխատանք եք փնտրում, մեծացրեք ձեր հավատքը Տիրոջ հանդեպ, որ նա ցանկություն և զորություն ունի օրհնելու ձեզ: Նաև խորհուրդ փնտրեք նրանցից, ում դուք վստահում եք, և մի վախեցեք ընկերների օգնությանը դիմել՝ նոր աշխատանք գտնելիս: Անհրաժեշտության դեպքում, փոխեք ձեր կենսաձևը, երբեմն հնարավոր է՝ ձեր բնակարանը, ձեր միջոցների սահմաններում ապրելու համար: Աանկախ ձեր տարիքից՝ պատրաստակամորեն լրացուցիչ ուսուցում և նոր հմտություններ փնտրեք: Պահպանեք ձեր առողջությունը և մոտ մնացեք ձեր ամուսնուն և երեխաներին: Եվ ամենից վեր, երախտապարտ եղեք: Աղոթքով արտահայտեք ձեր երախտագիտությունը բոլոր բաների համար, որ տրվել է ձեզ: Երկնային Հայրը սիրում է ձեզ: Նրա որդին խոստացել է. «Այս բոլոր բաները փորձառություն կտան [ձեզ] և կլինեն [ձեր] օգտի համար» (ՎեՌ 122.7):

## Հոգևոր նախապատրաստություն

Իմ եղբայրներ և քույրեր, այժմ է մեր կյանքում բարօրության կառուցի քարեր դնելու և նույն բանը մեր եղբայրներին ու քույրերին ուսուցանելու ժամանակը: Սուրբ գրությունները մեզ ուսուցանում են. «Եթե պատրաստ լինեք, դուք չեք վախենա» (ՎեՌ 38.30): Պահելով պատվիրանները և ապրելով ըստ բարօրության սկզբունքների՝ մենք կարող ենք Տիրոջ Հոգին միշտ մեզ հետ ունենալ, որը կօգնի մեզ այս վերջին օրերի փոթորիկների ժամանակ և խաղաղություն կխոսի մեր հոգիներին:

Ինչպես որ մենք ինչպես ենք մեր նյութական միջոցները անձրևոտ օրերի համար, պատվիրանները պահելը, աղոթելը, սուրբ գրություններ կարդալը և

Սուրբ Հոգուն ապավինելը մեզ նախապատրաստում է կյանքի անձրևոտ փոթորիկներին: Մեր հնազանդությանը մենք հավատքի պաշար ենք հավաքում կյանքի փոփոխականություններին ու դժվարություններին դիմակայելու համար: Մեզ աշխարհից անբիծ պահելով՝ նման ձևով «լավը» լինելով, մենք կարողանում ենք բարիք գործել աշխարհով մեկ մեր եղբայրների ու քույրերի համար՝ թե՛ նյութապես և թե՛ հոգևորապես:

Ավարտելով՝ թույլ տվեք կիսվել միայն մեկ օրինակով, թե ինչպես ենք մենք դա անում մարդասիրական ծառայության մեջ:

Ամեն տարի Եկեղեցու անդամները ներդրում են անում աղբյուրներ փորելու այնտեղ, որտեղ խմելու ջրի պակաս կա: Մտածեք այդ աղբյուրներից մեկի օգուտի մասին, որը փորվում է հեռավոր մի գյուղում: Մինչ ունենք կարող են բնութագրել դա որպես զուտ ֆիզիկական օրհնություն, որո՞ւք են հոգևոր օրհնություններն այն մոր համար, որը նախկինում ժամերով քայլում էր, որ ջուր հայթայթի և ավելի շատ ժամանակ, որ բերի հասցնի իր երեխաներին: Նախքան աղբյուրի փորելը, ո՞րքան ժամանակ ուներ նա իր երեխաներին ուսուցանելու ավետարանը, աղոթելու նրանց հետ և սնելու նրանց Տիրոջ սիրով: Որքա՞ն ժամանակ ուներ նա անձամբ սուրբ գրություններն ուսումնասիրելու, դրանց վրա խորհելու և ուժ ստանալու՝ իր կյանքի դժվարությունները հաղթահարելու համար: Իրենց հավատքը գործի դնելով՝ Եկեղեցու անդամները օգնել են հագեցնել նրա բնտանիքի ֆիզիկական ծարավը, ինչպես նրան հնարավորություն են տվել ազատ խմել կյանքի ջրից և այլևս երբեք չծարավել: Հավատարիմ լինելով բարօրության սկզբունքներով ապրելիս՝ նրանք կարողացել են օգնել փորել «ջրի աղբյուր. . . որ հավիտենական կյանքի համար է բխում» (Հովհաննես Դ.14):

Ես վկայում եմ, որ քահանայության բարօրության սկզբունքներով ապրելը Քրիստոնեական մեր սիրո չափն է: Մեզ սրբազան հնարավորություն է տրված՝ կիրառել Քրիստոսի վերականգնված ավետարանը երկրի վրա՝ գործի դնել մեր հավատքը և վայելել Նրա ուրախության լիությունն այս կյանքում և հանդերձյալ աշխարհում:

Ես տալիս եմ իմ հատուկ վկայությունն այն մասին, որ Փրկիչն ապրում է, և որ Նա տվել է իր կյանքը մեր հավերժական բարօրության համար: Հիսուս Քրիստոսի անունով. ամեն:

Զուլի Բ. Բեկ՝

Սփոփող Միության գերագույն նախագահ

# Սփոփող Միության Նախագահի բարո- րության պատաս- խանատվությունները



## Սփոփող Միության Նպատակը

Իմ թանկագին եղբայր-ներ և քույրեր. ինձ համար արտոնություն է խոսել ձեզ հետ բարո-րության վերաբերյալ ձխի Սփոփող Միության նախագահի պարտականությունների մասին: Իմ ետևում կանանց նկարներ են, ուլքեր ծառայել են

որպես Սփոփող Միության գերագույն նախագահներ: Նրանց պատմություններն ուսումնասիրելիս ինձ հուշում է եկել, որ այս կազմակերպությունը կատարել է իր աշխատանքը ոչ միայն աճի և բարգավաճման ժամանակ, այլ նաև պատերազմի, սովի, համաճարակի և ճգնաժամի ժամանակ: Անցյալից սովորած դասերը մեզ կարող են օգնել նավարկել մեր օրերում, երբ մենք ապրում ենք բնական աղետներ, պատերազմներ, կառավարական հեղաշրջումներ, անձնական փորձություններ և տնտեսական դժվարություններ: Սփոփող Միությունը նշանակված է *սփոփանք* տրամադրելու, որը նշանակում է՝ բարձրացնել, լուսավորել, մարդուն դժվարությունից հանել: <sup>1</sup> Օգնող կանանց և նրանց ընտանիքների կողմից կյանքի ողջ ընթացքում մեզ հանձնարարվել է միշտ ավելացնել հավատքը և անձնական արդարակեցությունը, ամրացնել ընտանիքներն ու տները և ծառայել Տիրոջն ու Նրա զավակներին: Այսօր մենք կկենտրոնանանք մեր աշխատանքի այն բաժնի

վրա, որը վերաբերում է բարօրությանը, մինչ մենք աշխատում ենք եպիսկոպոսի ղեկավարության ներքո՝ կազմակերպելու, ուսուցանելու և ոգեշնչելու քույրերին՝ հոգալու աղքատների ու կարիքավորների մասին և օգնելու նրանց դառնալ ինքնապահով:

## Աղքատի և կարիքավորի մասին հոգալը

Սփոփող Միությունը, որը պատասխանատվություն ունի «հոգալ Եկեղեցու բոլոր կին անդամների հոգևոր բարօրության և փրկության մասին»<sup>2</sup> կազմավորվել է, որպեսզի «սփոփի աղքատներին, զրկվածներին, այրիներին ու որբերին և գործի բոլոր բարեգործական ծառայություններում»:<sup>3</sup> Դա ներառում է «աղքատու-թյունից ազատելը, հիվանդությունից ազատելը, կասկածից ազատելը, անգիտությունից ազատելը» — բոլոր բաներից ազատելը, ինչը խանգարում է կնոջը ուրախություն ունենալ և զարգանալ»:<sup>4</sup>

Ես լսել եմ, թե ինչպես է Նախագահ Մոնսոնը մեծ երախտագիտությամբ խոսել Սփոփող Միության այն նախագահների մասին, որոնք ծառայել են իր հետ, երբ նա երիտասարդ եպիսկոպոս էր: Նա իր Սփոփող Միության նախագահների հետ հետևել է միևնույն օրինակին, որը մենք ունենք այսօր: Նրա ղեկավարու-թյան ներքո Սփոփող Միության նախագահը գնում էր անդամների տուն՝ հայտնաբերելու, թե արդյոք անդամներն ունեն բավականաչափ մտուն, կենցաղա-յին պայմաններ, էնոցիոնալ ուժ կամ այլ անհրաժեշտ միջոցներ: Աղոթքի և իրենց ունեցած հոգևոր պարգև-ների օգնությամբ նրա Սփոփող Միության նախագահ-ները ոգեշնչում էին փնտրում, որպեսզի պատշաճ ձևով գնահատեն կարիքներն այդ տներում: Այա, օգտա-գործելով իրենց միջոցները, նա ի վիճակի էր ինքնաա-պահովման ծրագիր կազմել իր մարդկանց համար:

## Ինքնապահովումը և հեռատես ապրելակերպը

Կարիքավորների մասին հոգալու եպիսկոպոսի օգնելու պարտականությունից բացի, Սփոփող Միության նախագահը ղեկավարում է Սփոփող Միության քույրերին, որ կազմակերպված լինեն, ուսուցանվեն և ոգեշնչվեն անձամբ ինքնաապահով դառնալու: Իրենց պատասխանատվությունները հասկանալու համար ղեկավարները կարող են մի քանի կարևոր հարցեր տալ.

1. Ի՞նչ է ինքնաապահով լինելը:
2. Ո՞րն է ինքնաապահով լինելու հարցում յուրա-քանչյուր քրոջ պատասխանատվությունը:

3. Որքա՞ն հինքնաապահով են իմ ծխի քույրերը:
4. Ինչպիսի՞ հմտություններ է հարկավոր ձեռք բերել իմ ծխի քույրերին, որ հինքնաապահով դառնան:
5. Ինչպե՞ս կարող ենք մենք միմյանց օգնել ինքնաապահով դառնալ:

«Ինքնաապահով լինել նշանակում է օգտագործել մեր Երկնային Հոր բոլոր օրհնությունները՝ հոգալու մեր մասին և մեր ընտանիքների մասին և լուծումներ գտնելու մեր սեփական խնդիրների համար»:<sup>5</sup> Մեզանից յուրաքանչյուրը պատասխանատվություն ունի փորձելու խուսափելու խնդիրներից նախքան դրանց տեղի կունենան և սովորելու հաղթահարել դժվարությունները, երբ դրանք վրա կհասնեն:



*Մանդի պահուստով կինը. հեղինակ՝ Ջոդիթ Ա. Մեհր*

Այս նկարը, որը կախված է իմ գրասենյակում, պատկերում է մի կնոջ մթերանոցում: Այն, ինչ սովորում ենք այս նկարից, միայն մթերանոցների և տնային պահածոյացման մասին դասը չէ: Նայեք կնոջը: Նա կանգնած է մենակ, և մենք չգիտենք, թե արդյոք նա ամուսնացած է, թե մենակ: Նա գոգնոց է կրում, ինչը ենթադրում է, որ նա աշխատանքի մեջ է:

Աշխատանքը ինքնաապահովման հիմնարար սկզբունքներից է: Կարող ենք ենթադրել, որ նրա շրջապատի բոլոր պաշարները նրա անձնական ջանքերի արդյունքն է: Նա անձնական պատրաստվածության աշխատանք է կատարել: Նայեք նրա դեմքին: Նա մի փոքր հոգնած, բայց շատ խաղաղ տեսք ունի: Նրա աչքերը ցույց են տալիս նրա հոգու բավարարվածությունը: Նա ինքնաապահով կնոջ տեսք ունի:

Ինչպե՞ս ենք ինքնաապահով դառնում: Մենք ինքնաապահով ենք դառնում, ձեռք բերելով բավականաչափ գիտելիք, կրթություն և գրագիտություն. իմաստուն կառավարելով փողամիջոցները և մյուս պաշարները, հոգևորապես ամուր լինելով, նախապատրաստվելով արտակարգ իրավիճակներին ու պատահականություններին. ինչպես ունենալով

ֆիզիկական, հասարարական և մտահուզական բարեկեցություն:

Այսպիսով, ինչպիսի՞ հմտություններ են մեզ պետք, որպեսզի ինքնաապահով դառնանք: Իմ տատիկի համար կարևոր էր կարողանալ հավ մորթել ու փետրել: Ես հավ մորթելու ու փետրելու կարիք չեմ ունեցել: Ինչևէ, նույնիսկ Եկեղեցու վաղ օրերում Բրիգամ Յանգը խնդրում էր քույրերին սովորել կանխել հիվանդությունները ընտանիքում, զբաղվել տնային տնտեսությամբ և սովորել հաշվապահությունն ու հաշվետարությունն և այլ գործնական հմտություններ:<sup>6</sup> Այդ սկզբունքները կիրառելի են նաև այսօր: Կրթությունը շարունակում է կենսականապես կարևոր լինել: Մեզանից յուրաքանչյուրն ուսուցիչ է և ուսանող, ուստի, գրագիտության, տեխնիկական գիտությունների և տրամաբանության հմտությունները ամենօրյա պահանջ են: Ամուսնական և ընտանեկան հարաբերություններում շփման հմտությունների մեծ կարիք կա, իսկ ծնողական հմտությունների կարիքն առավել անհրաժեշտ է, քան երբևէ: Աշխարհում տեսնում ենք նաև պարտքերի և սպառողականության աճի բարձրացում:

Մի քանի եպիսկոպոսների ես հարցրել եմ, թե որն է ամենամեծ կարիքը, որ ունեն ծխի քույրերը, և նրանք պատասխանել են՝ բյուջեով ապրելը: Կանաչ պետք է հասկանան ապառիկ գնումներ կատարելու և բյուջեի սահմաններում չապրելու հետևանքները: Երկրորդ հմտությունը, որը նշել են շատ եպիսկոպոսներ, խոհարարությունն էր: Տանը պատրաստած ճաշերը, հիմնականում, ավելի էժան են, ավելի առողջարար և նպաստում են ընտանեկան ամուր հարաբերություններին:

Ես տեսել եմ քույրերի մեծ օրինակներ աշխարհով մեկ, որոնք միմյանց օգնում են ինքնաապահով դառնալ: Միացյալ Նահանգներում քույրերը հավաքվում են, որպեսզի սովորեն, թե ինչպես բյուջետավորեն իրենց ֆինանսները, որպեսզի ավելի զգույշ գնումներ կատարեն և պակասեցնեն պարտքերը: Ավելի տարեց քույրերն ուսուցանում են երիտասարդ կանանց, թե ինչպես ճաշ և առողջարար կերակուրներ պատրաստեն տանը: Գանաչում քույրերը միասին կարողալ են սովորում: Պերուում քույրերը բրինձ և լոբի են փաթեթավորում, որպեսզի սոված չմնան երկրաշարժի ժամանակ: Ֆիլիպիններում, որտեղ կանոնավերապես ծովամրիկներ են լինում, քույրերը մի քանի օրվա օգտագործման պարագաներ և ուտելիք են հավաքում, երբ տեղահանում են իրենց ընտանիքները:



*Ընտանեկան աղոթքը. հեղինակ՝ Արեւարդո Լորիս Լովենդինո. Եկեղեցու Պատմության թանգարանի սիրալիր թույլտվությամբ*

Երկրորդ նկարը, որը կախված է իմ գրասենյակում, ցույց է տալիս, թե ինչպես կարող է այս սկզբունքը կիրառվել ամենուրեք: Այստեղ մենք տեսնում ենք Ֆիլիպինների մի ընտանիք՝ փայտե հենքերի վրա գետնից բարձր արմավենիների ցցերից պատրաստած իրենց հյուղում նստած: Առջևի մասում երևում է մեծ կծով լիքը ջուր: Նրանք ունեն մի զամբյուղ մանգո, որոշ չափով վառելիք՝ ճաշ պատրաստելու համար, և լույսի հասարակ աղբյուր, որով կարող են տեսնել: Նրանք նստած են ընթրիքի սեղանին՝ աղոթքի համար գլուխները խոնարհած: Պատի վրա կախված է ասեղնագործված բառեր՝ «Ընտանիքները հավերժ են»: Ես կարող եմ պատկերացնել, որ այս ընտանիքի մայրը ինքնաապահովման շատ սկզբունքներ և հմտություններ է սովորել այստեղ՝ Սփոփող Միության ժողովներում ու միջոցառումներում:

Որքա՞նով են ինքնաապահով ձեր ծխի քույրերը: Ինչպե՞ս կարող եք զանազանել նրանց կարիքները: Եվ ով պետք է օգնի Սփոփող Միության նախագահին այս ջանքերում: Քանի որ սա աստվածային աշխատանք է և քանի որ Սփոփող Միության նախագահն աստվածային կոչում ունի, նա աստվածային օգնության արտոնություն ունի: Նա նաև բարի այցելող քույրերի կարիք ունի, որոնք հասկանում են մյուս քույրերի մասին հոգալու և խնամելու իրենց պատասխանատվությունը: Նրանցից և մյուս քույրերից ստացած հաշվետվությունների միջոցով, նա ի վիճակի է սովորելու նրանց կարիքների մասին: Նա կարող է նաև օգտագործել հանձնախմբերի և ավելի երիտասարդ քույրերի կարիքները, որոնք մեծ եռանդ ունեն և պատրաստ են ծառայելու:



*Մանկաբարձուհի. Քո շավիղները՝ նրա ընտրած ուղին. հեղինակ՝ Քրիստոպ Զոթեր. Եկեղեցու Պատմության թանգարանի սիրալիր թույլտվությամբ*

Այս երրորդ նկարը, որը կախված է իմ գրասենյակում, արտացոլում է ռահվիրա մի մանկաբարձի: Այն ինձ հուշում է, որ մեկ շնորհք ունեցող մի քույր կարող է օրհնություն լինել շատերի համար: Դրա օրհնակներից մեկը եղել է իմ նախատատը՝ Մերի Էն Համբլինը, որը մանկաբարձուհի էր: Նա օգնել է այս աշխարհ բերելու 2000-ից ավելի մանուկներ: Նա ժամանակի և շնորհների արժեքավոր ներդրում է կատարել Տիրոջ շտեմարանին:

### **Մեր պատասխանատվությունները կատարելը**

Մեր մասին ինչպես ուրիշների մասին հոգալը վկայություն է, որ մենք Տեր Հիսուս Քրիստոսի աշակերտներն ենք: Ինչպես ձեզանից շատերին, ինձ ոգեշնչել և ուսուցանել է ինքնաապահովման սկզբունքները իմ մոր և Սփոփող Միության մյուս քույրերի օրհնակը: Այդպիսի կանանցից մեկը իմ քաղցր սկեսուրն էր՝ Զունը, որը գրեթե 30 տարի շարունակ ծառայում էր Սփոփող Միության նախագահություններում: Երբ նա հանկարծակի մահացավ՝ անցյալ տարի, նա վկայություն թողեց իր ինքնաապահով կյանքի մասին: Նա ուներ գործող տաճարային երաշխավորագիր և լավ օգտագործված սուրբ գրություններ և ուսումնասիրման ձեռնարկներ: Մենք սիրով բաժանեցինք կաթսաները, թավաները և ափսեները, որով նա հազարավոր ճաշեր էր պատրաստել: Նա մեզ թողել էր վերմակներ, որոնք



պատրաստել էր հին հագուստից: Նա հավատում էր հին ասացվածքին. «Օգտագործիր, մաշեցրու, բավարարվիր կամ գոյատևիր»: Մենք տեսանք ուտելիքի պաշարը, որը նա աճեցրել էր, պահպանել և պահեստավորել: Մասնավորապես հուզիչ էին նրա հաշվետարական գրքերը, որոնցում նա հավատարմորեն գրանցել էր իր ծախսերը տարիներ շարունակ: Քանի որ նա հեռատես կյանք էր վարում, նա որոշ չափով գումար էր թողել, որը տնտեսել էր արտակարգ իրավիճակների համար, և նա չէր թողել ոչ մի պարտք: Ամենակարևորը, նա ուրիշ շատերի ուսուցանել էր ու ոգեշնչել այն հմտություններով, որոնք ինքը ձեռք էր բերել իր հավատարիմ կյանքում:

Որպես ղեկավարներ՝ մենք մեր հավատքն ենք ցուցաբերում, երբ օգտագործում ենք մեր ժամանակը, շնորհները, ժողովները և միջոցառումները, առաջինը՝ հոգալու այն բաների համար, որոնք կարևոր են նյութական և հոգևոր բարօրության և փրկության համար: Անելով այս բաները՝ մենք կշատացնենք սերը, միաբանությունը, ուրախությունը, քույրությունը և օրհնությունները: Ես վկայում եմ, որ Սփոփող Միության աշխատանքը անբաժանելի մասն է Տիրոջ վերականգնված Եկեղեցու, և որ Նրա աշխատանքն այսօր ղեկավարվում է ապրող մարգարեի կողմից: Հիսուս Քրիստոսի անունով. ամեն:

### Հղումներ

1. Stn Online Etymology Dictionary, “relief” և “relieve,” բառերը [www.etymonline.com](http://www.etymonline.com).
2. *Teachings of Presidents of the Church: Joseph F. Smith* (Մելքիսեդեկյան Քահանայության և Սփոփող Միության ուսումնական դասընթաց, 1998), 185:
3. *History of the Church*, 4.567:
4. John A. Widtsoe, *Evidences and Reconciliations*, arr. G. Homer Durham (1987), 308:
5. *Instructional Resources for Welfare Trainers*, Lesson 2: Self-Reliance, 3; PDF available online at [providentliving.org](http://providentliving.org).
6. Stn Eliza R. Snow, “Female Relief Society,” *Deseret News*, Apr. 22, 1868, 1; Brigham Young, *Deseret News*, July 28, 1869, 5:

## Եպիսկոպոս Զ. Դեյվիդ Բարտոն

Նախագահող Եպիսկոպոս

# Եպիսկոպոսի պատասխանատվությունները բարօրության համար



### Կարիքավորներին գտնելը և նրանց մասին հոգալը

Ողջուն, ես Եպիսկոպոս Դեյվիդ Բարտոնն եմ, և այսօր ես արտոնություն ունեմ լինելու Յուսայի Մենտերվիլի հյուսասին ցցի վեց սքանչելի եպիսկոպոսների հետ: Մենք Սոլտ Լեյք Սիթիի բարօրության հրապարակում ենք: Ծնորհակալ

ենք մեզ միանալու համար, մինչ մենք քննարկում ենք եպիսկոպոսի պատասխանատվությունները գտնելու և հոգալու նրանց մասին, ովքեր բավականաչափ ինքնաապահով չեն:

Սկսելով՝ ես կցանկանայի երկու մեջբերում անել Նախագահ Զ. Ռուբեն Կլարկ կրտսերից Նախագահ Կլարկը երկար տարիներ ծառայել է Եկեղեցու Առաջին Նախագահությունում և ակտիվ մասնակից է եղել այն նախաձեռնությունը զարգացնելիս, որն այն ժամանակ կոչվում էր Եկեղեցու Անվտանգության ծրագիր, իսկ այժմ անվանվում է Եկեղեցու բարօրության ծրագիր:

Մի առիթով Նախագահ Զ. Ռուբեն Կլարկ կրտսերը գանգահարեց մի եպիսկոպոսի՝ նրան տեղեկացնելու, որ մի միայնակ մայր, երեք փոքր երեխաներով, հենց այդ օրը տեղափոխվել է այդ եպիսկոպոսի ծուխը: Նախագահ Կլարկը խնդրեց, որ եպիսկոպոսը որքան հնարավոր է շուտ այցելեր այդ ընտանիքին և տեսներ, թե ինչ օգնության կարիք ունեն:

Նախագահ Կլարկն ասաց եպիսկոպոսին. «Եթե կարողանայի, ես կօգնեի այդ քրոջը, սակայն ես միայն Եկեղեցու Նախագահի առաջին խորհրդական եմ և իշխանություն չունեմ եպիսկոպոսի շտեմարանից պատվեր դուրս գրել: Այդ իրավունքը քոնն է, – ասաց նա, – և այդ արտոնությունը, և դրա համար ես զանգահարում եմ քեզ, խնդրելով, որ անես այն, ինչ հարմար կգտնես անելու այդ ընտանիքի հետ»:

Մեկ այլ առիթով, Նախագահ Կլարկը, գորավոր մի ելույթի ժամանակ ասաց.

«Ըստ Տիրոջ խոսքի՝ Եկեղեցու աղքատի մասին հոգալու բացառիկ լիազորությունը և նրան մասին հոգալիս բացառիկ խորաթափանցությունը գտնվում է եպիսկոպոսի մոտ: . . . Միայն և միայն նրա պարտականությունն է որոշել, թե ում, երբ, ինչպես և ինչ չափով պետք է օգնել իր ճյուղի անդամին Եկեղեցու հիմնադրամներից: . . .

Սա նրա բարձր և հանդիսավոր պարտավորությունն է անձամբ Տիրոջ կողմից տրված: Եպիսկոպոսը չի կարող խույս տալ իր պարտականությունից. նա չի կարող ազատվել դրանից. նա չի կարող դա փոխանցել մեկ ուրիշին և դրանով ազատել իրեն: Ում օգնությանն էլ նա դիմի, միայնույն է պատասխանատվությունը նրանն է» (վկայակոչվել է Թոմաս Ս. Մոնսոնի կողմից, 1980թ. հոկտեմբերի համաժողովին. կամ տես *Ensign*, նոյ. 1980, էջ 90):

Որո՞նք են եպիսկոպոսի բարօրության հետ կապված պատասխանատվությունները: Դրանք առնավազն երեք մաս ունեն: Այդ թվում են.

1. Ուսուցանել ինքնաապահովման հիմնական սկզբունքներն անդամներին և քաջալերել նրանց ինքնաապահով դառնալ: Վերջերս թողարկված երկու գրքովկները՝ «*Ամեն ինչ սպասողությանը հավաքված է. Ընտանեկան ֆինանսներ*» և «*Ամեն ինչ սպասողությանը հավաքված է. Տան ընտանեկան մթերանոց*» կարող են շատ օգտակար լինել ինքնաապահովման կարևորությունը հասկանալիս անդամներին օգնելու հարցում:
2. Օգնել ծխի խորհրդի անդամներին իմանալ և գործել ըստ իրենց պատասխանատվությունների:
3. Օժանդակություն ցույց տալ՝ ըստ բարօրության հիմնական սկզբունքների:

Նոր հրատարակված գրքովը «*Տիրոջ օրինակով օգնելը. բարօրության ամփոփ ողեցույց դեկավարների համար*» ձեզ կհիշեցնի բարօրության, ինքնաապահովման և օժանդակելու սկզբունքների հիմնական նպատակը:

## Տիրոջ շտեմարանը

Տերը հայտնել է, որ Եկեղեցու անդամները պետք է [իրենց] ստացվածքից բաժին հանեք աղքատներին. . . և դրանք պիտի դրվեն իմ եկեղեցու եպիսկոպոսի առաջ. . . [և պահվեն] իմ շտեմարանում, աղքատին ու կարիքավորին աստարելու համար (ՎևՈւ 42.31–32, 34):

Յուրաքանչյուր եպիսկոպոս ունի տարբեր «գործիքներ» իր առջև դրված, որպեսզի օգնի աղքատին: Այդ գործիքների հավաքածուն մենք անվանում ենք Տիրոջ շտեմարան:

Շտեմարանը ներառում է.

1. Նվիրաբերված կանխիկ գումար, երբ անդամները ստանում են ծուխապահությանը մասնակցելու օրհնությունները:
2. Անդամների կողմից պատրաստված կամ եպիսկոպոսի օգտագործման համար գնված ապրանքներ:
3. Անդամների ժամանակը, շնորհները և միջոցները:

Այդ շնորհները, ինչպես կարող է օգտակար և անհրաժեշտ լինի, կանխիկ գումարի և ապրանքների հետ միասին կազմում են Տիրոջ շտեմարանը: Տիրոջ շտեմարանը մատչելի է յուրաքանչյուր եպիսկոպոսի համար և գոյություն ունի յուրաքանչյուր ծխում: Ի հակադրություն ընդունված իմաստության, Տիրոջ շտեմարանը սահմանափակված չէ շենքով կամ պահեստով, որի ապրանքները սպասում են բաշխման:

## Հիմնական սկզբունքներ

Մինչ եպիսկոպոսները իրականացնում են աղքատին փնտրելու և նրա մասին հոգալու իրենց աստվածային լիազորությունը, նրանք հաճախ ստիպված կլինեն դժվար որոշումներ կայացնել: Եպիսկոպոսները օրհնվում են և մեծապես հավակնում են խորաթափանցության պարզեցում, երբ հայտնվում են նման իրավիճակում: Յուրաքանչյուր անհատական դեպք, որի հետ գործ ունեք, ոգեշնչման կարիք ունի: Առաջնորդվելով Հոգով՝ միևույն ժամանակ մտապահելով բարօրության հիմնական սկզբունքները, եպիսկոպոսները կարող են լավագույն ձևով որոշել, թե ով է կարիքի մեջ, ինչ չափով և ինչ տեսակի օգնություն է հարկավոր, և որքան ժամանակ է դա անհրաժեշտ:

Հնարավոր է հարցնեք՝ որո՞նք են բարօրություն այն հիմնական, ժամանակով ստուգված սկզբունքները, որոնք կօգնեն եպիսկոպոսին իրենց որոշումների մեջ:

### 1. Գտեք աղքատներին:

Եպիսկոպոսները պետք է հիշեն, որ իրենք պարտականություն ունեն գտնելու աղքատներին: Բավական

չէ աջակցել միայն, երբ խնդրում են: Եպիսկոպոսը պետք է խրախուսի քահանայության և Սփոփող Միության ղեկավարներին, տնային ուսուցիչներին և այցելող ուսուցիչներին գտնել օգնության կարիք ունեցող անդամներին:

## **2. Բարձրացրեք անձնական պատասխանատվությունը:**

Եպիսկոպոսները պատասխանատվություն ունեն հիշելու, որ անհատներին օգնելիս նրանք պետք է բարձրացնեն անձնական պատասխանատվությունը: Անհատները պատասխանատու են իրենց համար: Երբ անհատները չեն կարողանում հոգալ իրենց մասին, մոտ հարազատները, ինչպես և ազգականները պարտավորություն և հնարավորություն ունեն օգնելու:

## **3. Պահպանեք կյանքը, ոչ թե կենսակերպը:**

Մենք օգտագործում ենք մի կարճ արտահայտություն՝ «պահպանեք կյանքը, ոչ թե կենսակերպը»: Երբ պահպանում ենք կյանքը, Եկեղեցու օժանդակությունը նախատեսված է ապահովել ուտելիք, հագուստ և պատշաճ ապաստան, ինչպես նաև այլ օժանդակություն, ըստ եպիսկոպոսի որոշման, որն անհրաժեշտ է անհատին օգնելու համար, որ դառնա ինքնաապահով: Անհատներից պահանջվում է անձնական միջոցներն օգտագործել իրենց ապահովելու համար և ծախսեր պահանջող գույքը և բնակարանը փոքրացնել՝ բյուջեի սահմանափակումներին հարմարվելու համար:

## **4. Նախքան գումար տրամադրելը ապրանքներով օգնեք:**

Մեկ այլ հիմնարար սկզբունք, որ օգտագործվում է, այն է, որ նախքան կանխիկ գումար օգտագործելը, հիմնականում մենք օգնում ենք ապրանքներով: Հնարավորության դեպքում, եպիսկոպոսը անդամներին ապրանքներ է տրամադրում գումարի կամ նրանց հաշիվները վճարելու փոխարեն: Որտեղ եպիսկոպոսների պահեստներ չկան, ծոմապահության նվիրատվությունները կարելի է օգտագործել անհրաժեշտ ապրանքներ գնելու համար:

## **5. Տրամադրեք աշխատանք և ծառայություն կատարելու հնարավորություններ:**

Բարօրոքության ամենակարևոր հիմնարար սկզբունքներից մեկը աշխատանք և ծառայություն կատարելու հնարավորություններ ապահովելն է: Անհատական դժվարությունների ժամանակ, որպեսզի անհատները պահեն իրենց արժանապատվությունը,

անհրաժեշտ է օգնությանը հավասար աշխատանքի և ծառայության հնարավորություն տալ օգնություն ստացողին: Աշխատանքի կամ ծառայության արժեքը պարտադիր չէ հավասար լինի ստացած օգնության արժեքին, սակայն բավական պետք է լինի, որ օգնի խուսափել անաշխատ եկամուտի չարիքից և օգնության իրավունք ունեցողի բնավորության զարգացումից: Ծիսի խորհուրդը կարող է աջակցել՝ լրացնելով ու պահպանելով իմաստալից աշխատանքի հնարավորությունների ցանկ:

## **Հարցեր եպիսկոպոսներից**

Այս համառոտ նախաբանով, եկեք քննարկենք որոշ հարցեր, որոնք կցանկանալիք բարձրացնել, որոնք վերաբերում են ձեր կարևոր կոչմանը:

*Հարց.* Գիտակցելով, որ մենք, որպես եպիսկոպոսներ, յուրահատուկ պատասխանատվություններ ունենք բարօրության օգնության համար, կա՞ն արդյոք այլ ծառայողներ, ում կարող ենք դիմել օգնության համար:

*Պատասխան.* Եպիսկոպոսը հնարավորություն ունի օգտագործելու մի քանիսի օգնությանն իր պարտականությունները կատարելիս: Մասնավորապես, ծիսի խորհրդի անդամները, քահանայության քվորումները և Սփոփող Միությունը՝ բոլորը կարող են օգնել եպիսկոպոսին բավարարելու անդամների ժամանակավոր և երկարաժամկետ կարիքները: Այս ղեկավարներին օգնում են տնային ուսուցիչները, այցելող ուսուցիչները և նրանք, ովքեր հատուկ հմտություններ ունեն:

*Հարց.* Ինչ վերաբերում է բարօրության այս հարցերին, ինչպես կարող եմ ես՝ որպես եպիսկոպոս, ավելի լավ օգտագործել Սփոփող Միությունը և քվորումների ղեկավարներին:

*Պատասխան.* Սփոփող Միությունը և քվորումի ղեկավարները կարող են չափազանց օգտակար լինել այդ ողջ գործընթացի մեջ, և բարօրությունը պետք է կենտրոնական տեղ գրավի քահանայության քվորումի և Սփոփող Միության աշխատանքի մեջ: Այն պետք է կանոնավորապես քննարկվի նախագահության ժողովների ժամանակ: Եպիսկոպոսի ղեկավարության ներքո քահանայության քվորումները և Սփոփող Միությունը պետք է օգնեն անդամներին լուծումներ գտնել և՛ կարճաժամկետ, և՛ երկարաժամկետ բարօրության կարիքների համար և ինքնաապահով դառնան:

Սփոփող Միության նախագահը հատուկ տեղ ունի այս ընթացակարգում: Սովորաբար, նա օգնում է

Եպիսկոպոսին այցելելով անդամներին, որոնք բարօրության աջակցության կարիք ունեն: Նա օգնում է նրանց գնահատել իրենց կարիքները և հուշում է Եպիսկոպոսին, թե ինչպիսի օգնություն պետք է տրամադրել: Եպիսկոպոսը և Սփոփող Միության նախագահը կարող են օգտագործել Կարիքների և միջոցների վերլուծության ձևաթուղթը, որը կօգնի նրանց իրենց կարիքները որոշելիս:

*Հարց.* Եպիսկոպոս Բարտոն, ինչպե՞ս կառաջարկելիք ուսուցանել ծոմապահության օրենքը, որպեսզի անդամներն ավելի լավ հասկանան այն:

*Պատասխան.* Ծոմապահության օրենքը Երկնային Հոր զավակների հոգևոր բարօրության հիմքն է: Նա հաստատել է ծոմապահության օրենքը, ինչպեսև տասանորդի օրենքը, որպեսզի օրհնի իր ժողովրդին:

Եպիսկոպոսը պետք է ուսուցանի բոլոր անդամներին այս օրենքներով ապրելու կարևորությունը: Նա պետք է նաև ուսուցանի այն օրհնությունների մասին, որոնք Տերը խոստացել է այս օրենքներով ապրողներին: Այդ օրհնությունների թվում են Տիրոջ մոտենալը, աճող հոգևոր ուժը, կյանքական բարեկեցությունը, ավելի մեծ կարեկցանքը և ծառայելու ավելի մեծ ցանկությունը:

Աշխարհի որոշ տարածքներում, Եպիսկոպոսների պահեստներ են մատչելի սնունդ և հագուստ տրամադրելու համար: Որտեղ Եպիսկոպոսների պահեստներ գոյություն չունեն, ծոմի նվիրատվություններն են օգտագործվում սննդով և հագուստով ապահովելու համար: Դրանք օգտագործվում են նաև ապաստանի, բժշկական օգնության և այլ կենսական կարիքներ հոգալու համար:

Այնուամենայնիվ, չկա պահանջ, որ ծոմապահության նվիրատվությունների ծախսերը ծխի կամ ցցի սահմաններում հավասարակշռված լինի ծոմի նվիրատվությունների քանակի հետ:

*Հարց.* Երկրի տնտեսության ներկա պայմաններում մենք տեսնում ենք մեծ թվով շատ ընտանիքներ և անդամներ, որոնք դժվարանում են վճարել բնակարանային վարկերը: Արդյոք մենք կարո՞ղ ենք օգտագործել ծոմի հիմնադրամները նման վճարումների համար:

*Պատասխան.* Ինչպես անկասկած հիշում եք, բարօրության աջակցությունը սովորաբար նախատեսված է որպես ժամանակավոր օգնություն: Եպիսկոպոսները, Սփոփող Միության նախագահի հետ միասին, անհրաժեշտության դեպքում նաև այլ մասնագետների հետ, պետք է օգնություն ստացողներին օգնեն ինքնաապահով

դառնալու ծրագիր մշակել, որպեսզի նրանք այլևս բարօրության աջակցության կարիք չունենան:

Եթե վարկի կարճաժամկետ մարումը հնարավորություն կընձեռնի իրականացնել ինքնաապահով դառնալու իրենց ծրագիրը, այդ դեպքում վարկի կարճաժամկետ մարումը կարող է ցանկալի և թույլատրելի լինել:

*Հարց.* Արդյոք պատշաճ է, որ անհատը, որն օգտվում է պետության անապահովության նպաստներից, օգտվի նաև Եկեղեցու բարօրության օժանդակությունից:

*Պատասխան.* Անդամները կարող են օգտագործել համայնքային միջոցները, ներառյալ պետական միջոցները, իրենց հիմնական կարիքները հոգալու համար: Եպիսկոպոսը պետք է ծանոթանա այդ միջոցներին: Հաճախակի օգտվող միջոցներից են.

- Հիվանդանոցները, բժիշկները կամ այլ տեսակի բժշկական օգնություն:
- Մասնագիտության ուսուցում համայնքային որոշ աշխատանքի գործակալություններում:
- Հաշմանդամների համար հատկացվող օգնություն:
- Մասնագետ խորհրդատուներ կամ սոցիալական աշխատողներ: Համայնքների շատ մասնագետ խորհրդատուներ կամ սոցիալական աշխատողներ կիսում են մեր արժեքները:
- Վատ հակումների կախվածությունից ազատվելու միջոցներ, որոնք անհամեմատ ավելի շատ մատչելի են, քան նախկինում:

Երբ Եկեղեցու անդամներն օգնություն են ստանում ոչ Եկեղեցական աղքյուրներից, Եպիսկոպոսը նույնպես կարող է օգնել Եկեղեցու միջոցներով և օգնել անդամներին խուսափել այդ աղքյուրներից կախված լինելուց: Որտեղ դա հնարավոր է, անդամները պետք է աշխատեն այն օգնության դիմաց, որը նրանք ստանում են: Մենք պետք է խուսափենք անաշխատ եկամտի չարիքից և զգացողությունից, որ օգնության ստանալու իրավունք ունենք:

Եղբայրներ և քույրեր. մենք հնարավորություն ունեցանք միայն մի քանի բոլոր քանակի կարիքավորներին օգնելուն և օժանդակելուն վերաբերող սրբազան սկզբունքներ: Թող Տերն օրհնի ձեզանից յուրաքանչյուրին, մինչ դուք կատարում եք մեր Երկնային Հոր զավակներին ձեռք մեկնելու ձեր դերը և ցուցաբերում եք ծառայությունից ելող սիրելի ու կարեկցելու կարողությունը: Ես խոսաբաբար աղոթում եմ, որ Տիրոջ օրհնությունները լինեն ձեր վրա, և ասում եմ դա Հիսուս Քրիստոսի անունով, ամեն:

## Նախագահ Թոմաս Ս. Մոնսոն

Հիսուս Քրիստոսի Վերջին Օրերի Սրբերի  
Եկեղեցու նախագահ

# Տիրոջ ուղին



Իմ եղբայրներ և քույրեր, որքան երախտապարտ եմ ես հնարավորության համար՝ խոսելու ձեզ հետ այն թեմայի վերաբերյալ, որը շատ հարագատ է իմ սրտին, այսինքն՝ Եկեղեցու բարօրության ծրագրի վերաբերյալ:

### Բարօրության նախագծերում ծառայելը

Սույթ Լեյք Սիթիի տրորված ճանապարհներից դուրս, ամբոխներից կտրված քաղաքի մի մասում, գտնվում է լավ ճանաչված մի հրապարակ: Այստեղ՝ խաղաղ ձևով, Քրիստոսանման սիրուց դրդված, աշխատողները ծառայում են միմյանց ըստ Վարդապետի աստվածային ծրագրի: Ես խոսում եմ Բարօրության հրապարակի մասին, որը երբեմն հայտնի է որպես եպիսկոպոսի շտեմարան: Եկեղեցու այս կենտրոնական մասում և աշխարհի բազմաթիվ այլ մասերում մրգեր և բանջարեղեններ են պահածոյացվում, և ապրանքներ են դասավորվում, պիտակավորվում, դասավորվում և ուղարկվում կարիքավոր մարդկանց: Այստեղ չկա ոչ պետության օգնության որևէ նշան, ոչ էլ արժույթի փոխանակման կետ, քանի որ այստեղ ընդունվում է միայն կարգված եպիսկոպոսի կողմից ստորագրված պահանջագիրը:

1950–1955 թվականներին ես արտոնություն եմ ունեցել նախագահելու 1080 անդամ ունեցող մի ծխի վրա, որը գտնվում էր Սույթ Լեյք Սիթիի կենտրոնական մասում: Ծխում կար 84 այրի և, հավանաբար, 40 ընտանիք, որոնք այդ ոչ կայուն ժամանակաշրջանում որոշ չափով բարօրության աջակցության կարիք ունեին:

Եկեղեցու միավորներին հատուկ հանձնարարություն էր տրվել, որ կարիքավորների պահանջները բավարարվեն: Եկեղեցու միավորներից մեկում

անդամները միս էին արտադրում, մեկ այլ միավորում՝ նարինջ, ևս մեկում բանջարեղեն կամ հացահատիկ, անգամ առաջին անհրաժեշտության խառը ապրանքներ, որպեսզի շտեմարանները լցված լինեն և կարիքավորները բավարարվեն: Տերը ուղի է հաստատել, երբ հայտարարել է. «Եվ շտեմարանը պետք է պահվի եկեղեցու նվիրաբերումների միջոցով. և այրիներն ու որբերը պետք է ապահովվեն, ինչպես նաև աղքատները» (Վևու 83.6): Ապա հիշեցումը. «Սակայն դա անպայման պետք է արվի իմ իսկ ձևով» (Վևու 104.16):

Այն տեղի հարևանությամբ, որտեղ ես ապրում էի ու ծառայում, մենք թռչնաբուծական ծրագիր էինք իրագործում: Մեծամասամբ, դա խելամուտքն էր վարվող ծրագիր էր, որը շտեմարանին տրամադրում էր տասնյակ հազարավոր ձվեր և հարյուրավոր կիլոգրամներով թռչնի միս: Մի քանի դեպքերում, սակայն, ագարակի գործը քաղաքի կամավորների մոտ առաջացնում էր ոչ միայն ձեռքերի կոշտություն, այլ նաև սրտի և մտքի հիասթափություն:

Օրինակ, ես միշտ կհիշեմ այն ժամանակը, երբ մենք հավաքել էինք Ահարոնյան Քահանայության պատանիներին, որպեսզի գոմերի տարածքը մաքրենք և գարնանային բուժում ապահովենք: Մեր խանդավառ ու եռանդուն խումբը հավաքվեց ծառայության վայրում և արագ ձևով արմատախիլ արեցինք, հավաքեցինք ու այրեցինք մեծ քանակությամբ մոլախոտ ու աղբ: Բոցավառ խարույկի լույսի տակ մենք հացով նրբերշիկներ կերանք և միմյանց շնորհավորեցինք լավ կատարած աշխատանքի համար: Այժմ գոմերի շրջապատը մաքուր էր և կոկիկ: Սակայն, մենք առաջացրել էին աղետալից մի խնդիր: Աղմուկը և կրակը այնպես էր անհանգստացրել 5000 նուրբ և զգայուն ածան հավերին, որ նրանցից շատերը հանկարծակի փետրաթափ եղան և դադարեցին ձու ածել: Դրանից հետո մենք թույլ էինք տալիս, որ մոլախոտը աճի, որպեսզի ավելի շատ ձու ստանանք:

Հիսուս Քրիստոսի Վերջին Օրերի Սրբերի Եկեղեցու ոչ մի անդամ, որը ոլորտի պահածո է պատրաստել, ճակնդեղ է մաքրել, խոտ է քաղել, քարածուխ է բարձել կամ ինչ-որ ձևով օգնել է ուրիշներին, երբեք չի մոռանա, ոչ էլ կափտասա կարիքավորին հատկացրած օգնության փորձառությունը: Նվիրված տղամարդիկ և կանայք օգնում են գործադրել այս մեծ և օգեշնչված բարօրության ծրագիրը: Իրականում, ծրագիրը երբեք չի հաջողվի միայն ջանքերի շնորհիվ, քանի որ այս ծրագիրը գործում է հավատքի միջոցով՝ Տիրոջ ուղուն հետևելով:

## Հավատքի շարժառիթով

Մեր ունեցածը ուրիշների հետ կիսելը նորություն չէ մեր սերնդի համար: Մենք միայն պետք է անդրադառնանք Աստվածաշնչի Գ Թագավորաց գրքի պատմությանը, որպեսզի կրկին երախտապարտ լինենք այն սկզբունքի համար, որ երբ հետևում ենք Տիրոջ խորհրդին, երբ հոգում ենք կարիքավորների մասին, արդյունքում շահում են բոլորը: Այնտեղ կարդում ենք, որ խստագույն երաշտը պատել էր երկիրը: Դրան հետևեց սովը: Եղիա մարգարեն Տիրոջից ստացավ իր համար հավանական է գարմանալի հրահանգ. Գնա Մերեփթա . . . ահա ես այնտեղ մի որբևայրի կնկա հրամայել եմ, որ քեզ կերակրի»: Գտնելով որբևայրուն՝ Եղիան հայտարարեց.

«Խնդրում եմ ինձ համար մի քիչ ջուր բեր մի ամանում, որ խմեմ:

Եվ երբոր նա գնաց բերելու նրան կանչեց և ասաց. Խնդրեմ ինձ համար մի պատառ էլ հաց բեր ձեռքիդ:

Կնոջ պատասխանը նկարագրեց նրա թշվառ վիճակը, որ նա պատրաստում է իր խղճուկ ուտելիքը իր համար և իր որդու համար, որից հետո պետք է սովից մեռնեն:

Որքան անհավանական պետք է նրա համար եղած լիներ Եղիայի պատասխանը.

«Մի վախենա, գնա արա քո խոսքի պես, միայն թե առաջ ինձ համար մի փոքր շոթ շինիր նրանից և բեր ինձ համար, և հետո քեզ և քո որդիի համար կշինես:

Որովհետև այսպես է ասում Իսրայելի Տեր Աստվածը. Մափորումը ալյուրը պիտի չվերջանա և կուժիցը յուրը չպակասե, մինչև այն օրը, որ Տերը անձրև տա երկրի երեսին:

Եվ նա գնաց և արեց Եղիայի խոսքի պես, և նա և կինը և իր տունը կերան բավական ժամանակ:

Եվ սափորիցն ալյուրը չէր վերջանում, և կուժիցը յուրը չէր պակասում» (Գ Թագավորաց ԺԷ.9–11, 13–16):

Սա է այն հավատքը, որը շարժառիթ է եղել և ոգեշնչել է Տիրոջ բարօրության ծրագիրը:

## Ճշմարիտ ծոմապահությունը

Յուրաքանչյուր ամսվա մեկ օրը ծոմ պահելով և շալյուրեն ներդրում անելով ծոմապահության հիմնադրամին առնավազն չկերած ճաշերի արժեքի չափով, թող որ մենք հիշենք Եսայիայի խոսքերը, երբ նա նկարագրում է ճշմարիտ ծոմապահությունը.

«Հացդ կտրիր տուր սովածին և թափառական խեղճերին տար տունդ երբոր մի մերկ տեսնես նրան հագցրու, և քեզ պես մարմին ունեցողից քեզ մի ծածկիր:

Այն ժամանակ քո լույսն արշալույսի պես պիտի ծագի, և քո բժշկությունը շուտով պիտի բուսնի, և քո արդարությունը պիտի գնա քո առաջից. Տիրոջ փառքը պիտի [լինի քո վարձքը].

Այն ժամանակ դու կկանչես, և Տերը կպատասխանե. դու կաղաղակես, և նա կասե. Ահա ես. . . .

Եվ Տերը քեզ միշտ կառաջնորդի և կկշտացնի քո անձը երաշտներում. . . և ջրարբի պարտեզի նման կլինես, և ջրի ակնի պես՝ որի ջուրը չի պակասի (Եսայիա ԾԸ.7–9, 11):

Ծոմապահության մեր սրբազան նվիրատվությունները ֆինանսավորում են շտեմարանների գործածությունը, բավարարում են աղքատի կանխիկ կարիքները և բժշկական խնամք են ապահովում հիվանդների համար, որոնք միջոցներ չունեն:

Իհարկե, շատ տարածքներում ծոմի նվիրատվությունները յուրաքանչյուր ամիս հավաքվում են Ահարոնյան Քահանայության երիտասարդ տղամարդկանց կողմից, սովորաբար, Հանգստության օրվա վաղ առավոտյան: Ես հիշում եմ, որ իմ նախագահած ծխի պատանիները մի առավոտ հավաքված էին, քնկոտ աչքերով, մի քիչ թափթփված, փոքր ինչ դժգոհելով, որ այդքան վաղ արթնացել են իրենց հանձնարարությունը կատարելու: Նրանց հասցեին ոչ մի հանդիմանություն չասվեց, սակայն հաջորդ շաբաթվա ընթացքում մենք տղաներին տարանք Բարօրության հրապարակ՝ ծանոթացնելու այնտեղի աշխատանքին: Նրանք իրենց աչքով տեսան հաշմանդամ մարդու հեռախոսների բաշխիչ ապարատը դեկավարելիս, տարեց մի մարդու՝ դարակները դասավորելիս, կանանց՝ շորեր դասավորելիս, որոնք պետք է բաժանվեին, նույնիսկ կույր մարդու՝ պահածոների վրա պիտակներ փակցնելիս: Այստեղ մարդիկ էին, որոնք վաստակում էին իրենց գոյամիջոցները իրենց աշխատանքով: Ազդեցիկ լրություն էր պատել տղաներին, երբ նրանք ականատես եղան, թե ինչպես են իրենց ջանքերն ամեն ամիս օգնում հավաքել ծոմի սրբազան նվիրատվությունների հիմնադրամները, որոնք օգնում էին կարիքավորներին և աշխատանք էին ապահովում նրանց, ովքեր աշխատելու ուրիշ հնարավորություն չէին ունենա:

Այդ սրբագործված օրվանից ի վեր այլևս քաջալերանքի կարիք չէր զգացվում: Ծոմի Կիրակիի առավոտները, ժ. 7.00-ին նրանք ներկա էին, Կիրակնօրյա լավագույն հագուստով՝ անհամբեր սպասելով կատարելու Ահարոնյան Քահանայության իրենց պարտականությունը: Նրանք այլևս միայն ծրար հավաքողներ ու բաժանողներ չէին: Նրանք օգնում էին մթերքով ապահովելու սովածին և ապաստանով՝ տնանկին, — այդ

ամենում Տիրոջ ձևին հետևելով: Նրանք ավելի հաճախ էին ժպտում, նրանք ավելի եռանդով էին ծառայում: Հավանաբար, այժմ նրանք ավելի լավ էին հասկանում դասական հատվածը. «Որովհետև իմ այս փոքր եղբայրներից մեկի արիք, ինձ արիք» (Մատթեոս ԻԵ.40):

### **Սիրո հրաշքը**

Մեկը կարող է հարցնել նրանց մասին, ովքեր աջակցում են բարօրության ծրագրին՝ Ի՞նչն է նման նվիրավածության դրդում յուրաքանչյուր աշխատողին: Պատասխանը կարող է հասարակ լինել. Տեր Հիսուս Քրիստոսի ավետարանի մասին ճշմարտությունը. նույնիսկ սրտաբուխ ցանկությունը սիրել Տիրոջը քո ողջ սրտով, մտքով և հոգով և քո մերձավորին՝ քո անձի պես:

Սա էր շարժառիթը իմ ընկերոջ համար, այժմ մահացած, որը մթերքների արտադրություն ուներ, որն իմ եպիսկոպոս եղած օրերից մի օր ինձ գանգահարեց և ասաց. «Ես մի փոքր բեռնատարով և կցորդով լի ցիտրուսային մրգեր եմ ուղարկում շտեմարան նրանց համար, ովքեր կարիքի մեջ են: Թող շտեմարանի ղեկավարությունը տեղյակ լինի, որ բեռնատարը գալիս է, և ոչ մի վճար չի լինի. միայն, եպիսկոպոս, թող ոչ ոք չիմանա, թե ով է ուղարկել դա»: Ոչ հաճախ է լինում այդքան ուրախություն և երախտագիտություն, որքան եղավ այդ առատաձեռնության արդյունքում: Երբեք չեմ կասկածել, որ այդ անանուն բարերարը, որն այժմ կենդանի չէ, հավերժական վարձք կունենա:

Առատաձեռնության նման բարի արարքներ հաճախ կարելի է գտնել և ոչ հազվադեպ: Սույթ Լեյք Սիթին հարող ծանրաբեռնված խճուղիներից մեկի ներքևում ժամանակին մի տնակ կար միայնակ տարեց մի տղամարդու՝ Լուիս անունով, որը հաշմանդամության պատճառով օր չէր լինում, որ ցավ չունենար ոչ էլ շատ օրեր առանց միայնակ մնալու: Մի ձմեռային օր, երբ ես այցելեցի նրան, նա դժվարությամբ էր պատասխանում դռան գանգին: Ես մտա նրա կոկիկ պահված տունը. ջերմաստիճանը, բացառությամբ մի սենյակի՝ խոհանոցի, շատ ցուրտ էր՝ մոտ 5 աստիճան: Պատճառն այն էր, որ նա բավականաչափ գումար չունեւ որևէ այլ սենյակ տաքացնելու համար: Պատերը վերանորոգման կարիք ունեին, առաստաղը՝ ցածրացվելու, պահարանները՝ լցվելու:

Ես անհանգստացած էի՝ իմ ընկերոջը այցելելուց: Եպիսկոպոսին տեղեկացվեց և տեղի ունեցած սիրո հրաշք՝ վկայությամբ դրդված: Ծխի անդամները կազմակերպվեցին և սիրո աշխատանքը սկսվեց:

Մեկ ամիս անց իմ ընկեր Լուիսը զնգահարեց և ինդրեց, թե արդյոք կարող եմ նրան այցելել և տեսնել, թե ինչ է պատահել իրեն: Ես այցելեցի և իսկապես հրաշք տեսա: Տուն տանող ճանապարհը տեղափոխվել էր, քանի որ բարդու ծառերի արմատները աճել և խոչընդոտում էին նախկինին, տան սանդղամուտքը վերակառուցվել էր, փայլուն մետաղից նոր դուռ էր տեղադրվել, առաստաղը ցածրացվել էր, պատերը պատաստապատվել էին, փայտե աշխատանքները ներկվել էին, տանիքը փոխվել և պահարանները լցվել էին: Տունն այլևս սառնամանիք չէր և անհրապույր: Այժմ այն կարծես ջերմ ողջուն էր հղում:

Լուին թողել էր վերջում, որպեսզի ցույց տար իր հպարտությունն ու ուրախությունը. նրա մահճակալին իր ընտանեկան տոմի՝ Մակդոնալդների փետրափնջով գեղեցիկ մի ծածկոցաշալ էր գցված: Այն պատրաստվել էր Սփոփող Միության կանանց սիրող հոգատարությանը: Մինչև հեռանալը ես հայտնաբերեցի, որ երիտասարդ ամուսիններն ամեն շաբաթ տաք ճաշ էին տանում ու ընտանեկան երեկո անցկացնում նրա հետ: Ջերմությունը փոխարինել էր սառնությանը: Վերանորոգումներն անց էին կացրել տարիների հոգնածությունը: Բայց ամենանշանակալից բանն այն էր, որ հույսը վանել էր հուսահատությունը և այժմ սերն էր իշխում հաղթությամբ:

Բոլորը, ովքեր մասնակցել էին իրական կյանքի այս սրտաճմլիկ դրամային, նոր և անձնական երախտագիտություն էին գտել Վարդապետի ուսմունքներից. «Ավելի երանելի է տալը, քան թե առնելը» (Գործք Ի.35):

Բոլոր նրանց, ում հասնում է իմ ձայնը, ես հայտարարում եմ, որ Հիսուս Քրիստոսի Վերջին Օրերի Մրբերի բարօրության ծրագիրը ոգեշնչված է Ամենագոր Աստծո կողմից: Իսկապես, Տեր Հիսուս Քրիստոսն է նրա ճարտարապետը: Նա կանչում է ինձ և ձեզ. «Ահա ես դռան առաջին կանգնած եմ և թակում եմ. եթե մեկը լսե իմ ձայնը և դուռը բանա, կմտնեմ նրա մոտ» (Հայտնություն Գ.20):

Թող որ մենք լսենք նրա ձայնը, թող որ մենք բացենք մեր սրտերի դռները Նրա ներկայության համար, և թող որ նա դառնա մեր հաստատուն ընկերը, մինչ մենք փորձում ենք ծառայել Նրա զավակներին. իմ խոնարհ աղոթքն է Նրա սուրբ անունով, այսինքն՝ Հիսուս Քրիստոսի, մեր Տիրոջ անունով, ամեն:



ՀԻՍՈՒՄ  
ՔՐԻՄՏՈՄԻ  
ՎԵՐՁԻՑ ԾՐԵՐԻ ՍՐԲԵՐԻ  
ԵԿԵՂԵՑԻ

